

敕修陝西通志

第九
函
十冊

陝西通志第八十二卷

紀事七

金

太宗天會五年

宋高宗建炎元年

冬十二月取宋同華二州破潼關

建炎元年十二月甲戌金人陷同州守臣鄭驥死之庚辰金人陷

華州辛巳破潼關

宋史高宗本紀

金婁宿至河中官軍扼河西岸不得渡

乃自韓城履水過陷同州華州沿河安撫使鄭驥赴井死金兵破

潼關中原大震

宋元通鑑

六年

宋建炎二年

春正月取宋永興軍宋經畧使唐重死之

婁宿既陷同華諸州遂圍永興軍時京兆兵皆爲經制使錢蓋調赴行在經畧使唐重度勢不可支以書別其父及金兵圍城重與守臣會盟死守而經制副使傅亮以精銳數百奪門出降重遂與

副總管楊宗閔提舉軍馬程迪提點刑獄郭忠孝等八人俱死

宋

通鑑○按是月宋王擇仁復永興軍

二月取宋鳳翔

金婁宿旣陷永興鼓行而西勢益張引兵犯熙河經畧使張深遣都監劉惟輔以精騎二千禦之夜趨新店金人恃勝不虞黎明軍進惟輔舞稍刺其帥黑鋒洞冑墮馬死深更檄張巖往追之巖追婁宿及鳳翔境上銳意擊賊至五里坡婁宿伏兵坡下巖與曲端期不至徑前遇伏戰不利死之婁宿陷鳳翔守臣劉清臣棄城去

宋元通鑑

秋八月婁室

一作宿

等取下邽九月破宋兵於同州

八月乙卯婁室敗宋兵於華州訛特刺破敵於渭水遂取下邽九月辛丑繩果等敗宋兵於蒲城甲辰又破敵於同州乙丑取丹州

金史太
宗本紀

太宗命婁室蒲察專事陝西以婆盧火繩果監戰繩果等

遇敵於蒲城及同州皆破之

婁室
傳

冬十一月取宋延安王庶帥師救之不克

十一月庚寅蒲察婁室取延安府

金史太
宗本紀

王庶至京兆節制陝西

六路軍授端團練使充節制司統制端不欲屬庶金諜知端庶不
協併兵攻鄜延時端盡統浮原精兵駐淳化庶日移文趣其進兵
端不聽乃遣吳玠攻華州拔之端自分蒲城而不攻引兵趨耀之
同官復迂路由邠之三水與玠會襄樂金攻延安急庶收散亡往
援知鳳翔府王瓌將所部發興元比庶至甘泉而延安已陷庶無
所歸以軍付瓌自將百騎與官屬馳赴襄樂勞軍猶以節制望端
欲倚以自副端彌不平問延安失守狀欲卽軍中殺庶奪其兵明
日庶見端爲言已自効待罪端拘縻其官屬奪其節制使印庶乃

得去

宋史曲端傳

婁室克丹州破臨真進克延安府遂降綏德軍及靜

邊懷遠等城寨十六復破青澗城

金史婁室傳

圍晉寧宋知府州折可求來降

金人既破延安遂自綏德渡河圍晉寧

今葭州

知軍事徐徽言約可

求出兵夾攻金人婁宿聞之執可求之子彥文使爲書招可求可

求遂以所屬麟府豐三州降金可求與徽言連姻金人使招徽言

於城下徽言引弓射之可求走徽言引兵擊虜大敗之

通鑑續編

七年

宋建炎三年

春二月克晉寧軍宋守臣徐徽言死之

晉寧所部九寨皆降而晉寧軍久不下婁室欲去之寨里不可曰

此與夏隣且生他變城中無井日取河水以爲飲乃決渠於東泄

其水城中遂困李位石乙啓郭門降諸將率兵入城守將徐徽言

據子城戰三日衆潰徽言出奔獲之使之拜不聽臨之以兵不爲

動繫之軍中使先降者諭之降徽言大罵與統制孫昂皆不屈乃并殺之遂降定安堡渭平寨及鄜坊二州於是婁室婆廬火守延安折可求屯綏德延安鄜坊州皆殘破人民存者無幾婁室置官府安輯之

金史婁室傳

八年

宋建炎四年

春正月取宋同州三月拔終南縣

正月金人犯邠州吳玠拒戰敗之彭原又陷同州三月金人拔終南縣經畧使鄭恩戰敗死之

宋史高宗本紀

夏四月婁室克邠州

天會八年四月辛丑婁室戰於淳化勝之醴州降遂克邠州

金史太宗

本紀金人攻環慶端遣吳玠拒於彭原店端自將屯宜祿玠先勝既

而金軍復振玠小却端退金乘勝焚邠州

宋史曲端傳

秋七月命皇太子宗輔爲右副元帥督師陝西

先遣婁室經畧陝西所下城邑叛服不常其監戰阿盧補請益兵
帥府會諸將議以皇子右副元帥宗輔往爲宜以聞詔曰婁室往
者所向輒克今使專征陝西淹延未定豈倦於兵耶關陝重地卿
等其戮力焉

金史太
宗本紀

九月元帥宗輔等敗宋軍於富平耀州鳳翔皆降

宋張浚兵取陝西帝至洛水治兵張浚騎兵六萬步卒十二萬壁

富平帝至富平婁室爲左翼宗弼爲右翼兩軍並進自日中至昏

暮凡六合戰破之耀州鳳翔府皆來降

金史睿
宗世紀

張浚合五路兵欲

與金人決戰玠言宜各守要害湏其弊而乘之及次富平都統制

又會諸將議戰玠曰兵以利動今地勢不利未見其可宜擇高阜

據之使不可勝諸將皆曰我衆彼寡又前阻葦澤敵有騎不得施

何用他徙已而敵驟至輿柴囊土藉淖平行進薄玠營軍遂大潰

五路皆陷玠退保散關

宋史吳玠傳

張浚復永興元朮入援大戰於富

平涇源帥劉錡身率將士薄敵陳殺獲頗衆會環慶帥趙哲擅離

所部哲軍將校望見塵起驚遁諸軍皆潰浚斬哲以徇退保興州

張浚傳

浚宗與張浚戰於富平宗弼左翼軍已却婁室以右翼力戰

軍勢復振張浚軍遂敗浚宗曰力疾鏖戰遂破巨敵雖古名將何

以加也以所用犀玉金銀器及甲冑並馬七匹與之

金史婁室傳

冬十一月將軍馬五等敗宋軍於隴州

天會八年十一月馬五等擊宋吳玠軍于隴州癸亥宗輔以陝西

事狀聞詔獎諭之

金史太宗本紀

完顏習不主從浚宗經畧陝西出隴州

以兵四百敗敵數千

習不主傳

九年冬十一月賜劉豫陝西地

天會九年十一月己未以陝西地賜齊

金史太宗本紀

陝西通志 卷八十三

十年宋紹興二年冬十二月取宋金州

天會十年十二月庚子撒離喝克金州金史太宗本紀金久窺蜀以璘駐

兵和尚原扼其衝不得逞將出奇取之時玠在河池用叛將李彥

琪駐秦州睨仙人關以綴玠撒離喝自商於直擣上津取金州宋史

吳玠傳三年正月兀术入侵自上津疾馳不一日至洵陽統制官郭

進死之彥退保石泉金人入金均彥趨西鄉王彥傳金人將道金商

以嚮四川公以書諭金州經畧使王彥使伏彊弩於險以俟之彥

習用短兵屢平小盜不以公言為意敵猝至不知所為逆戰果敗

走保石泉朱子劉子羽神道碑○按宋史云紹興三年正月金克金州與此互異

十一年宋紹興三年春正月撒離喝帥師克洋州遂入興元

天會十一年正月丁卯撒離喝敗吳玠於饒風關戊辰取洋州甲

戍入興元府金史太宗本紀○饒風之戰詳見宋紀中

冬十一月取宋和尚原

金兀朮陷和尚原於是宣撫司分陝西之地自秦鳳至洋州吳玠主之屯仙人關金房至巴達王彥主之

通鑑

熙宗天眷三年夏六月陝西平

五月丙子詔元帥府復取陝西地命右監軍撒離喝出河中趨陝

西六月陝西平秋七月乙卯宗弼遣使奏陝西捷

金史熙宗本紀

金兀朮

以歸陝西爲非計及撻懶誅遂命撒離喝出河中趨陝西撒離喝

入同州趨永興軍權知軍事郝遠開門納之陝西州縣所至迎降

遂進據鳳翔初關陝新復朝廷分軍屯熙秦鄜延諸路撒離喝旣

至鳳翔陝西諸軍皆隔在後遠近震恐

宋元通鑑

秋八月詔撫諭陝西

八月辛巳詔撫諭陝西五路

金史熙宗本紀

皇統三年春三月詔陝西富民納粟補官

皇統三年三月陝西旱饑詔許富民入粟補官

金史食貨志

海陵正隆六年

宋紹興三十一年

秋九月克宋大散關

是年十月世宗立改元大定

九月徙單合喜由鳳翔取散關

金史海陵紀

世宗大定元年冬十二月詔副元帥完顏穀英規措陝西軍事

穀英本名撻懶攝河東南北兩路兵馬都總管朝廷以陝西與宋

已而復取之師至耀州宋人每旦出城張旗閱隊抵暮而還道隘

騎不得逞穀英請兵五百薄暮先使五十人趨山巔令之曰旦日

視敵出舉幟指其所向乃以餘兵伏山谷間明日城中人出閱如

前山巔旗舉伏兵發宋兵爭馳入城穀英麾軍登城拔宋幟立金

軍旗幟宋軍後者望見之不敢入遂降城中人亦降

金史穀英傳

年春三月詔釐正陝西良民

大定二年三月癸亥詔陝西昨因捕賊良民被虜爲賊者釐正之

金史世宗紀

夏五月萬戶裴滿等擊宋兵於華州敗之

大定二年五月丁巳押軍萬戶裴滿按刺猛安移刺沙里刺敗宋

兵於華州

金史世宗本紀

三年春二月詔撫諭陝西

大定三年二月壬申詔撫諭陝西

金史世宗本紀

四年冬十二月取商州

大定四年十二月丁亥尚書省奏都統高景山取商州

金史世宗本紀

十二年鄜州同州民作亂討誅之

大定十二年九月鄜州李方等謀反伏誅十一月同州民屈立等

謀反伏誅

金史世宗本紀

章宗明昌六年春正月詔罷陝西括地

正月庚戌罷陝西括地

金史章宗本紀

泰和五年冬十一月商州兵擊敗宋師於丹河

泰和五年十一月乙酉宋人攻洛南之固縣商州司獄壽祖追至

丹河擊敗之

金史章宗本紀

六年冬十月命陝西諸道兵伐宋

六年十月戊申朔平章政事僕散揆督諸道兵伐宋右監軍充以

關中兵一萬出陳倉右都監蒲察貞以岐隴兵一萬出成紀隴州

防禦使完顏璘以本部兵五千出來遠

金史章宗本紀

十二月宋將吳曦來降克大散關取鳳州

六年十二月癸丑宋宣撫使吳曦納款於完顏綱戊午右監軍充

攻下大散關辛酉完顏抄合以兵趣鳳州城潰入焉完顏綱遣京

兆錄事張仔會吳曦於興州之冑口曦具言所以歸朝之意仔請

以告身爲報盡出以付之乙丑完顏綱以朝命假太倉使馬良顯

齎詔書金印立曦爲蜀王

金史章宗本紀

時曦已布腹心於金將士未之

知都統制母思以重兵守大散關曦因撒驀關之戍敵由板關谷

逸出思後思遁金遂陷大散關曦退屯冑口舉人陳國飭投甌上

書言曦必叛侂冑不省興州見兩日相摩金遣吳端持詔書金印

封曦爲蜀王曦密受之還興州翌日曦召募屬意謂東南失守車

駕幸四明今宜從權濟事王翼楊駿之抗言曰如此則相公八十

年忠孝門戶一朝掃地矣曦曰吾意已決曦遂北向受印

宋史吳曦傳

衛紹王大安二年秋八月夏人寇葭州

大安二年八月夏人侵葭州

金史衛紹王紀

夏自天會初與金議和八十

餘年未嘗交兵至是爲蒙古所攻求救於金金主永濟新立不能

出師夏人怨之遂侵葭州金慶山奴擊敗之而去

通鑑續編

三年夏人寇邠涇都統韓玉敗之

夏人連陷邠涇陝西安撫司檄玉以鳳翔總管判官爲都統府募

軍旬日得萬人與夏人戰敗之獲牛馬千餘當路者忌其功驛奏

玉與夏人有謀朝廷疑之使使者授玉河平節度副使

金史韓玉傳

崇慶元年春三月夏人寇葭州

崇慶元年三月夏人犯葭州延安路兵馬總管完顏奴婢禦之

金史

衛紹王紀

至寧元年六月夏人寇保安

至寧元年六月夏人犯保安州殺刺史

金史衛紹王本紀

宣宗貞祐二年夏人寇延安

貞祐二年夏人攻延安乃詔有司移文責問

金史西夏傳

三年夏五月命大臣鎮撫京兆

三年五月戊子謀伐西夏遣大臣鎮撫京兆

金史宣宗本紀

九月詔給陝西世襲蕃部巡檢俸定立功賞格

三年九月丙寅樞密院言陝西世襲蕃部巡檢昨與世襲猛安謀克例罷其俸今邊事方急宜仍給之庶獲其用從之乙亥詔邠州經兵四品以下職事官並以二十月爲滿壬午以空名宣勅付陝西宣撫司凡夏人入寇有能臨陣立功者並聽遷授

金史宣宗本紀

冬十月夏人寇保安及延安累戰破之

三年十月夏人入保安都統完顏國家奴破之攻延安戍將又敗

之

金史宣宗本紀

元兵攻潼關不克

蒙古主駐魚兒渚遣三哥拔都帥萬騎自西夏趨京兆以攻潼關

不能下遂赴汴京

宋元通鑑

四年秋八月夏人寇安塞元帥左監軍烏古論慶壽遣軍敗之

烏古論慶壽貞祐四年遷元帥左監軍兼陝西統軍使駐兵延安

敗夏人於安塞堡戰於鄜州之倉曲谷有功

金史烏古論慶壽傳

九月元兵攻坊州

九月辛巳朔元兵攻坊州以簽樞密院事永錫爲御史大夫領兵

赴陝西便宜從事

金史宣宗本紀

冬十月元兵克潼關

貞祐四年十月己未命元帥左監軍必蘭阿魯帶守潼關元兵攻

潼關西安軍節度使泥龐古蒲魯虎戰沒乙丑命移刺周刺阿不

屯關陝

金史宣宗本紀

金御史臺言敵兵踰潼關峭汭深入重地願陛下

命陝西兵扼拒潼關金主以奏付尚書省平章术虎高琪曰臺臣